



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2232/11  
Sarajevo, 22.12.2011. godine

01/0-50-1

23-12-2011

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 23.12.2011			
Organizaciona jedinica	Klasifikaciona oznaka	Redni broj	Broj priloga
01-50-1-16		15	12/11

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 169. sjednici održanoj 21.12.2011. godine, utvrdilo je Odgovor na zastupničko pitanje koje je postavila Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-2232/11  
Sarajevo, 21.12.2011. godine

Nermina Zaimović Uzunović, poslanik u Predstavničkom domu Parlamentarne skupštine Bosne i Hercegovine, na 12. sjednici Predstavničkog doma održanoj 27. oktobra godine, postavio je sljedeće poslaničko pitanje:

1. "Kako je moguće i po kojim zakonima da Mladen Božović i dalje obavlja funkciju direktora Fonda za povratak kada Zakon o državnoj službi BiH, član 58. propisuje da je institucija dužna odmah preventivno suspendovati državnog službenika protiv koga je za djela zloupotrebe položaja, korupcije donesena naredba o provođenju istrage, što je slučaj sa pomenutim direktorom?"
2. "Kako je moguće da i pored već poznatih nedjela koje je počinio i dalje opstaje na funkciji i da uz to teroriše one koji ukazuju na korupciju, a koji bi morali biti zaštićeni slijedom donesenih propisa?"
3. "Kako jedna takva osoba i rukovodilac tako važne institucije koja godišnje raspoložuje desetinama miliona maraka i bavi se rješavanjem problema jedne od najosjetljivijih kategorija našeg društva, još uvijek obavlja navedenu funkciju i niko mu ništa ne može, s obzirom na postojanje toliko pravovaljanih dokaza s kojima se bili blagovremeno upoznati?"

Na postavljeno pitanje, Vijeće ministara Bosne i Hercegovine je na 169. sjednici održanoj 21. 12. 2011. godine, utvrdilo sljedeći

**ODGOVOR**

Nakon raspisanog javnog oglasa za popunu radnog mjesta direktora Fonda za povratak Bosne i Hercegovine, Vijeće ministara Bosne i Hercegovine, na 120. sjednici, održanoj 29.04.2010. godine, upoznao se sa mišljenjem Agencije za državnu službu Bosne i Hercegovine o okončanoj konkursnoj proceduri i listom uspješnih kandidata za radno mjesto rukovodećeg državnog službenika - direktor Fonda za povratak Bosne i Hercegovine, s tim da je Mladen Božović bio najuspješniji kandidat. Pored toga, Mladen Božović je prilikom okončanja konkursne procedure dostavio uvjerenje da se protiv njega ne vodi krivični postupak, čime je dokazao ispunjavanje i ovog zakonskog uslova.



Shodno navedenom, Vijeće ministara je donijelo Rješenje o imenovanju Mladena Božovića za direktora Fonda za povratak Bosne i Hercegovine.

Prije ili u toku konkursne procedure, Generalni sekretarijat Vijeća ministara nije zaprimio bilo kakav akt ili informaciju od strane Tužilaštva, da se protiv Mladena Božovića vodi bilo kakav postupak, o čemu bi bilo poznato Vijeće ministara Bosne i Hercegovine, radi preduzimanja zakonom propisanih mjera.

Obzirom na navedene okolnosti, nije se mogla izvršiti primjena odredbe člana 58. stav (4) Zakona o državnoj službi u institucijama Bosne i Hercegovine („Službeni glasnik BiH“ br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09 i 8/10) – u daljem tekstu: Zakon, gdje je navedeno da: „za rukovođeće državne službenike suspenziju izriče organ nadležan za postavljenje“.

Podsjećamo na član 57. Zakona gdje je regulisano da: „u slučaju da se protiv državnog službenika pokrene krivični postupak na osnovu istih činjenica koje su razmatrane u disciplinskom postupku, svi pokrenuti disciplinski postupci se suspenduju, sa izuzetkom člana 58. Zakona dok nadležni sud ne donese pravosnažnu presudu u krivičnom postupku“, dok je članom 58. propisano da: „kada se protiv državnog službenika donese naredba o provođenju istrage za krivična djela korupcije ili krivična djela protiv službene i druge odgovorne dužnosti, ili se državni službenik nalazi u pritvoru, institucija u kojoj je državni službenik odmah ga suspenduje“, te slučajeve kada se državni službenik suspenduje.

Zakon o krivičnom postupku Bosne i Hercegovine u članu 18. propisuje: „kad je propisano da pokretanje krivičnog postupka ima za posljedicu ograničenje određenih prava, ove posljedice, ako ovim zakonom nije drugačije određeno, nastupaju potvrđivanjem optužnice. Ako se radi o krivičnim djelima s propisanom kaznom zatvora do pet godina ili novčanom kaznom kao glavnom kaznom, ove posljedice nastupaju od dana kad je donesena osuđujuća presuda, bez obzira je li postala pravosnažna.

Iz svega naprijed navedenog, evidentno je da je Mladen Božović, direktor Fonda za povratak Bosne i Hercegovine, imenovan u skladu sa relevantnim propisima, te da nema predloženih dokaza Vijeću ministara Bosne i Hercegovine, u smislu Zakona o krivičnom postupku Bosne i Hercegovine koji bi imali za posljedicu primjenu čl. 51. stav (2) ili 58. Zakona o državnoj službi u institucijama Bosne i Hercegovine.

Što se tiče pitanja kako imenovani i dalje obavlja navedenu funkciju, odnosno da mu niko ništa ne može, podsjećamo da je članom II.2 Ustava BiH propisano da se prava i slobode predviđeni u Evropskoj konvenciji za zaštitu ljudskih prava i osnovnih sloboda i u njenim protokolima (Evropska konvencija) direktno primjenjuju u Bosni i Hercegovini i ti akti imaju prioritet nad svim ostalim zakonima. Članom 6. stav 1. Evropske konvencije propisano je da svako tko je optužen za krivično djelo smatra se nevinim dok se njegova krivica po zakonu ne dokaže. Dakle, krivično djelo se ne utvrđuje ni indicijama niti dokazima po kojima bi samostalno odlučivao izvršni organ, već presudom koju sud izrekne u krivičnom postupku, a u slučaju suspenzije drugim aktima pravosudnih organa (konkretno, Tužilaštva).

Agencija za prevenciju korupcije i koordinaciju borbe protiv korupcije treba dati odgovore iz svoje nadležnosti, s obzirom da ista odgovara neposredno Parlamentarnoj skupštini BiH koja imenuje i direktora, odnosno ista je nezavisna od Vijeća ministara.